


Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras selamat wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehendu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Kekelengen ni Tuhan, Minggu enda e me wari raya Pentakosta, si ertina Dibata nehken PadanNa mereken Kesah si Badia si jadi Penampat man manusia i bas ndalani kegeluhen enda. E maka arah kebaktin enda, mari sitalangi pusuhta guna idemi Kesah si Badia.

Erkata Lonceng

(Perp. Tedis)

Rende

KEE No. 244 : 1, 2, 3

(Serayan Kebaktin Bengket Ku Mimbar)

Kebaktin Minggu, 24 Mei 2026
Minggu Pentakosta I / Wari Nusur Kesah Si Badia

3	Votum – Salam <i>(Perp. Tedis)</i>
L	Kebaktin Pentakosta enda lit i bas gelar Dibata Bapa ulu kegeluhen, i bas gelar AnakNa Jesus Kristus si enggo mate ras nangkih ku surga, ras i bas gelar Kesah Si Badia si reh guna nemani kegeluhen manusia seh rasa lalap. Mejuah-juah man banta si enggo ngaloken Kesah Si Badia i bas pusuhta. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Erjabap malekat nina, “Kesah Si Badia pagi nusur ku babondu janah kuasa Dibata ringan i bas kam.” (Lukas 1 : 35a). Erpalasken Kata Dibata enda, sipuji IA alu radu ras kita ngendeken : KEE No. 197 : 1, 2, 3, 4
5	Kinilangasupen Manusia Nggeluh i Bas Kesah Si Badia <i>(Perp. Kundul)</i>
L	Dibata Bapanta si Mulia, enggo reh i bas Kesah Si Badia guna nampati manusia.
P	Ngaku aku Tuhan, megati lenga kusikapken pusuh ukurku, jadi ingan KesahNdu Si Badia ngkuasai kegeluhenku.
L	Kesah Si Badia, eme penampat si mereken gegeh ras kepentaren si ipadanken Dibata man banta.
P	Ngaku aku Tuhan, megati aku lupa, maka enggo ibereNdu Kesah si Badia jadi Penampat man bangku. Seh maka megati bene ukurku i bas ngalaken perbeben, lepak aku i bas encibalken diri nandangi temanku manusia.
L	Mari tole nggejapken kelepakenta i bas paksa teneng. <i>(Paksa Teneng)</i>

L	Si akuken dage salah lepakta man Dibata arah ende-endenta : KEE No. 118 : 1, 2, 3
6	Kata Pergegeh i Bas Dibata Nari <i>(Perp. Tedis)</i>
L	Selaku persuruhan Dibata, aku nehken kataNa man banta guna mpegegehi kam i bas geluh enda, niNa : <i>“Kenca si e Kubereken me kesahKu man kerina kalak; Tapi kerina kalak si mindo penampat man TUHAN terkelin kap”</i> <i>(Joel 2 : 28a, 32a).</i> Sipuji Tuhan arah ende-endenta : KEE No. 245 : 1, 2, 3
7	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Keluaren 35 : 30 - 35 . Mari siogeken secara pegancih. Sibenaken pengogenta
	<u>Tukang-tukang si beluh erbahan Kemah si Badia</u>
35:30 L	Nina Musa man bangsa Israel, “TUHAN enggo milih Besalel, anak Uri, kempu Hur i bas suku Juda nari.
35:31 P	Ia enggo idemi Dibata alu kesahNa, janah enggo iberekenNa man bana kepentaren, kengasupen, ras pengertin erbahan kerina barang-barang si mejilena,
35:32 L	guna ngerencanaken potongan barang si mejile, jenari erbahanca i bas emas, pirak ras tembaga nari;
35:33 P	erbahan permata-permata ras namakenca i bas bingkena; erbahan ukir-ukiren kayu, ras erbage-bage dahin si deban, erbahan barang-barang si mejilena.
35:34 L	Man Besalel ras man Oholiap anak Ahisamah, i bas merga Dan nari, enggo ibereken TUHAN kengasupen ngajarken kebeluhenna ertukang man kalak si deban.
35:35	Man bana duana enggo ibereken TUHAN pemeteh i bas erbage-

P	<p>bage dahin jadi tukang ukir, ras tukang tenun si ngasup erbahan lenen halus; wool biru, ungu, ras megara; ras uis si deban. Ia ngasup erbahan kai-kai pe janah pentar ka pe ngerencanaken potongen barang si mejile.</p>
	<p>Ketuahen kalak si megiken kata Dibata, dingan si makekenca i bas geluhna si teptep wari, Haleluya.</p> <p>Ialoi perpulungen alu ngendeken :</p> <p><i>Haleluya</i></p> <p><i>Haleluya</i></p> <p><i>Haleluya</i></p>

b	Ertoto guna Khotbah
c	Khotbah : Perbahanen Rasul-rasul 13 : 47 - 52. Tema : Idemi Kesah Si Badia
d	Ertoto kenca khotbah
8	Lakon Persadan Si Badia
	KEE No. 207 : 1, 2 (<i>LPS</i>)
9	Persembahen
L	Kata Dibata si jadi palas i bas kita ngendesken persembahen si tersurat i bas Masmur 50 : 23, niNa : <i>“Ngataken bujur e me persembahen si pehagaken Aku janah si patuh ngikutken Aku tentu Kukelini”</i> Tupung sisehken persembahenta, ras kita rende i bas : KEE No. 315 : 1, 2, 3, 4, 5 (<i>Persembahen</i>) Pertoton Persembahen ras Syafaat
10	Perpadanen Man Dibata (<i>Perp. Tedis</i>)
L	Enggo isehken Tuhan padanNa mereken Kesah Si Badia guna nampati ras ngajari anak-anakNa.
P	Erpadan aku O Tuhan, mereken pusuh ukurku jadi ingan Kesah Si Badia ngajari ras nampati aku.
L	Kesah Si Badia eme Dibata si reh ringan i bas kegeluhendu.
P	Erpadan aku Tuhan, tetap nginget Kam si ngiani diringku arah KesahNdu Si Badia. Kam me penampatku si mpengasup aku ngalaken kerina perbeben geluhku.
L	Si pepaguhi perpadanenta man Dibata, arah ende-endenta : KEE No. 433 : 1, 2, 3
11	Pertoton Tuhan
12	Pengutusen Ras Pasu-Pasu Dibata

L	<p>Turang ras senina, pakekenlah kegeluhendu jadi ingan tading Kesah Si Badia, jenari alokenlah pasu-pasu idur Dibata nari : <i>“Dibata, Si mada Perkuah Ate, si enggo nenahken kam ku kemulianNa si rasa lalap i bas Kristus, njadiken kam serta, tetap, megegeh dengen paguh. IA nge si mada kuasa seh rasa lalap”</i> Amin.</p>
	<p>Ialoi perpulungen alu ngendeken :</p> <p>A..min</p> <p>A....min</p> <p>Amin</p>
	<p><i>SELAMAT HARI MINGGU/SYALOOM.....</i></p>